

*Historia Bohemae*

*1532.*

*Francisci à Bonasilla: Oratio Pragae ha-*  
*bita in conventu Ordinis Regni*  
*Bohemiae.*

Biblioteka Jagiellońska.



*III. cl. 11.*


Hist. power. 455 br




4373

CIMELIA

X. XII. 472







X

II. d. 11.

# ORATIO PRAGÆ

HABITA, IN CONVENTU ORDINVM

Regni Bohemiæ per Franciscum a Bouadilla Archi/

diaconũ Toletanum, Salmanticensẽ Scho/

lasticum, ac gymnasiũ cancellarium, orato/

rem missum a Carolo Augusto Roma/

norum Imperatore inuictissimo hu/

ius nominis quinto, una cum Pe/

tro Gonsalem a Mendoca mi/

lite ordinis diui Iacobi, im/

perialis aulae praefecto;

M. D. XXXII.



Cim. Gu. 4373



# ORATIO

**Q**UAM EIVSMODI HAEC NO-  
stra causa sit. Magnifici, generosi, egregij ac cir-  
cumspecti uiri, generis claritate. Virtutis laude  
memorabiles, in qua res multum uerba parum, aut ni-  
hil pro futura sint, exoratos uos imprimis uelim, ne tā  
dicendi leporem, uerborumue elegantiam a me exigā-  
tis, q̄ rei grauissimæ, & maximæ qualitatem, summūq;  
præsentis negotij discrimen consyderetis, & perpenda-  
tis. Non enim tam speciosam orationē, q̄ rem grauissi-  
mam, & necessariam ad uos uiros omni laudis genere  
cumulatissimos afferimus. Nec uero priuato nomine  
uos alloquimur, q̄ a Carolo Augusto Romanorū Im-  
peratore inuictissimo oratores adhunc ornatissimum  
conuentum, una cum Serenissimo Rege uestro ueni-  
mus, primum, ut per nos eximiam animi sui gratitudi-  
nem erga istud Regnum uosq; omnes significaret, quā  
etiam ex ipsius literis clarius perspicere poteritis. Dein-  
de, ut quis sit eius animus atq; sentētia, his difficillimis  
Christianæ reipub. temporibus, & postremum, quo in  
statu & periculo res Christiana, ac pariter uestra nunc  
sit, uobis renūtiaremus, quæ tria tantisper dum q̄ pos-  
sum paucissimis explicabo, uos ad quos negotium atq;  
discrimen magna ex parte pertinet, & quorum gratia  
potissimum missi summus. Oro ut nostram legationē  
benigne, attenteq; audire non grauemini. Atqui ut iam  
rē qua oportet ianua aggrediamur, Principio uos om-  
nes id

nes id certos esse uolumus: nullum extare uestrū tam  
exiguū beneficium in uestrū regem, nullum tam te-  
nue, si modo aliquod eorū tenue dici potest, quæ sem-  
per amplissima fuerūt, nullum deniq; uestrum esse of-  
ficium, uel meritum, quod non honorificentissimis uer-  
bis Imperatori a fratre suo relatum sit. Quociens inter e-  
os de uobis, uiri clarissimi, mencio incidit, incidit autē  
sepissime, tum uester gratissimus Rex de uestro erga se  
affectu, eximia fide, obsequijs officijsq; uestris semper  
paratissimis: narrare summa cum utriusq; uoluptate  
nunq; pratermittit. Itaq; omnia quæ antea de uobis su-  
is litteris declarauit, nunc etiam eiusdem ore relata cæ-  
sar plenissime accepit. Et si igitur impræsentiarum uo-  
bis tanta gratia non refertur, quanta debetur, nos ta-  
men, iussu atq; nomine clementissimi Imperatoris, tan-  
tam gratiam habemus, quantam maximam mente cō-  
cipere possumus. Tanta est enim eius in fratrem unicū  
pietas: ut omnes res: discrimina, commoda non aliena  
a se arbitretur, neq; alio loco ponat q̄ propria. Ita enim  
se unice amant, ut mentes eorum fraterna charitate, nō  
solum uinctæ uideantur, sed in corpora inuicem tran-  
sire, si fieri posset desyderent, quod ex uultu amborum  
simul contemplatione magis coniungere licet. Quare nūq;  
in alium Regem melius, q̄ in hūc uestra beneficia col-  
locastis, nam quicquid magnum uel paruum in hunc  
contuleritis, id eodem loco accipit Inuictissimus Impe-  
rator, eodemq; animo, ac si in se collatum esset. Atq; ita  
semper eodem beneficio duorum potentissimorum re-  
gum animos uobis conciliatis, qui semper uestrorum

A n̄ meritorū



meritorum memores futuri, gratissimo animo quan/  
docunq; uestræ res eorum potentiam auxiliumq; desy/  
derauerint nunq̃ uestris fortunis, uobis atq; uestris li/  
beris deerunt, quin occasionem remunerandi cumula/  
tissimeq; referendi gratiam, ubicunq; oblata fuerit, cu/  
pidissime arripient. Habetis uiri ornatissimi qua ergo  
uos sit summus Imperator beneuolentia.

Quod autem secundo loco proposui, nempe quan/  
tum illi sit studium in tutanda, cum omnium Christi/  
anorum incolumitate, tum præcipue uestra eorumq;  
omnium, qui illius animum suis erga ipsum, fratremue  
optatissimū meritis sibi deuinctum habent, ex his quæ  
recensebo, uobis clarissime liquebit. Etenim post acce/  
ptam sacri Imperij coronam, post pacatam Italiam, pa/  
cemq; inter omnes Christianorum diciones confirma/  
tam, postq̃ ius summa cum laude querimonijs per Ita/  
liam redditum est, cum deniq; non tam imperium acce/  
pisse, quā restituuisse uideretur, non mox Hyspaniarum  
regna omnibus copijs florentissima repetit: sed etiam  
uicto suo erga charissimam coniugem, liberos, suaq; re/  
gna affectu, suas rationes publicæ incolumitati postpo/  
suit, & tanq̃ uerus patriæ parēs Augustam Germaniæ  
orbem clarissimam iter conuertit, ut ibi ordinum Ger/  
maniæ conuentus ageret, coortas in Germania seditio/  
nes componeret, factiones sedaret, sententias turbulē/  
tas coerceret. Atq; ut summos illos in ueteri lege uiros  
imitaretur, qui cum altera manu muros Hierosolymo/  
rum extruerent. Altera gladium tenebant, pugnabant/  
q; quotidie cum impijs, ipse quoq; Imperator reipub.  
Christianæ



Christianæ studiosissimus, ad horum uirorum exem/  
plum se comparans, Turcas e uestris finibus repellere,  
Germano Regi uestro, nunc bono reipub. fato Roma/  
norū Regi opem ferre, miseræ, atq; in fœlicissimæ Vien/  
næ obsidionem, totiusq; fere Austriæ antiquissimi sui pa/  
trimoniî depopulationem prohibere constituit. Quod  
quoniam per inducias pactas ad anni spacium iure nō  
concedebatur, & ab armis utrinq; quiescendum erat,  
in Brabanciam, Flandriamq; profectus est, ut ibi inter/  
ea loci ea quæ ad futurarum rerum usum necessaria fo/  
re uidebantur compararet. Vt uero allatum esset Tur/  
cam ipsum maximam ædificasse ornasseq; classem, refe/  
ctis triremibus ueteribus, tum multis quoq; maximo  
numero exstructis nouis, easq; commeatu, & bellico ap/  
paratu instruxisse, permagnos item exercitus compa/  
rasse, ut duplici contentione terra mariq; nos distrahe/  
ret, & in locis disiunctissimis dimicare cogeret, eius ani/  
mo, quo ille primum uobis, deinde Germanis, atq; de/  
mum omnibus Christianis sub se redactis Christianæ  
religionis perniciem molitur, resistendū esse duxit. Præ/  
ter apparatus ergo, qui ad hanc expeditionem in Ita/  
lia adornabatur, ipse etiam Inuictissimus Imperator,  
ne si ad tempus præsto non esset, se absente aliquid de/  
trimenti respub. Christiana caperet, ante finem induci/  
arum Ratisponam urbem imperialem bello gerendo  
opportuniorem, & hostium finibus proximam, uobisq;  
q; finitimam, in qua Germaniæ ordinum conuētus in/  
dictus erat, relicta Belgica Gallia natali solo, relicta sua  
charissima sorore media hyeme maximis itineribus cō/  
tendit,

A in tendit,

tendit, non ad ocium, sed ad uestram salutem, non ad remissionem, sed ad curam, non ad quietem, sed ad laborem, nihil aliud quotidie expectans q̄ hostis eruptio nem, qui inexaturabili Christiani sanguinis siti incitatus in uestram ruit perniciem, cuius arcendi a uestris liberorūq; capitibus tanto studio tenetur optimus Imperator, ut dum eum repellere possit, illum nec regnorum suorum amplissimorum teneat desiderium, suos pios erga cōiugem atq; liberos affectus reprimat, deniq; suas fortunas, copias, regna, sanguinē, & uitam profundere una cum firmissimo imperij praesidio non dubitet, dum fratri amantissimo, uestrae saluti, incolumitati reipub. Christi succumbenti succurrat, suo etiam periculo uestram incolumitatem redimere paratus.

Ex his ergo uiri clarissimi tum cōmune periculum, tum quis sit imperatoris intutanda uestra omniumq; Christianorū incolumitate animus atq; ardor satis linquere opinor: Germani autem etiamsi altissimorū fluminum uī naturaq; muniti sint, tamen partim inducti Caesaris studio, partim etiam cōmunē uicem Christianorum dolentes, summo in hoc discrimen studio incumbunt, & auxilia e Germano conscripta milite pollicentur. Verum enimuero si illi quorum dicionēs insuperabilibus montibus, altissimis rapidissimisque fluminibus, aliquorum etiam regnorum interuallo seclusae ab hostis impetu securae sunt, tanto ardore in cōmune discrimen arcendum incumbunt, uos non segniter mouere oportet, quin potius singularem, & egregiam praeter ceteras nationes alacritatem ostendere, quandoquidem



dem in eò magis uestra salus agitur q̃ aliorum, qui pe-  
nit in uisceribus Christianæ dicionis suas sedes ha-  
bent. Quamq̃ omnes quidem qui Christiani nomen  
profidentur, etiam si longissime a periculo absint, tamen  
hanc calamitatem proximorum, non solum non negli-  
gere, sed tanq̃ communem, & ex æquo ad omnes perti-  
nentem, simul iunctis uiribus arcere æquissimum foret,  
atq; in hoc optimos in repub: ciues imitari deberēt, qui  
domo aliqua priuata ciuis ab igne incensa, etiam si ab  
incendi periculo eorum ædes sitæ in disiunctissima ur-  
bis regione tutæ sint, tamen non omittunt, quin omni-  
bus uiribus flammam restinguere, aut a proximis te-  
ctis non minore studio q̃ a suis, arcere laborent, nisi tã-  
q̃ perniciosi reipub. ciues odio a suis haberi uelint. Ita  
quoq; & nos omnes, qui Christianam religionem pro-  
fitemur, si id uere esse uelimus, qd' præ nobis ferimus,  
quodq; uocamur, deberemus ad hanc flammam oppri-  
mendam omnes conuolare, ea enim nostrorum prox-  
imorum regna & oppida absumpsit, atq; etiam adhuc  
indies maiores uires colligit, neq; cessatura uidetur q̃  
diu erit in quo seuire queat, & nisi mature obuiamus,  
futurum est, ut tam late se spargat, ut nostræ omnium  
uires cedere cogantur. Quod omen deus auerrat, uerū  
ut in oppugnatione urbis, non solum n̄, qui in ea urbis  
regione domicilia habent, ubi hostis muros inuadit, re-  
sistant, sed omnes ciues simul ubicumq; magis res ma-  
num postularit occurrunt, hostemq; communē a me-  
ribus arcant: ita & nos Christiani, qui non solum uni-  
us reipub: ciues, sed membra sumus unius corporis,  
omnes.

omnes iuxta paribus animis ad cōmunē conseruandā  
religionē, & tyrannidē a nostris ceruicibus propulsan-  
dā pro se qsq; summo cōsensu incūbere debemus, Quod  
tamen a plerisq; nō fiat, ita ut æquū est q in p̄ximorū  
calamitate, & miseria anīo ocioso securi in utrāq; aurē  
dormiūt, nobis tñ eorū exemplū minime est imitandū,  
maior enim quādā uobis belli gerendi necessitas incū-  
bit, q̄ illis, ita ut auxilia nō tam a uobis expectari q̄ exi-  
gi, nō tam peti, quā ultro offeri debeāt, tum quod iā ue-  
stra res agitur paries cū p̄ximus ardet, tū quod pericu-  
lū uestrū cōiunctū est eius discrimini, q cū hoc bellū ge-  
rit, gerit enim cū uestro optio Rege, q sine uestro sum-  
mo dedecore, & detrimēta a uobis destitui nō pōt. Verū  
poterit nequisq; uestrū uidere suū Regem in magno pi-  
culo, quin cū omnibus modis seruet, defendat, ac tueat  
An ignoratis ita fere usu uenire solere, ut bonorū regum  
afflictæ fortunæ sæpe multorū opes alliciant ad miseri-  
cordiā. Atqui uos uiri omni laudis genere clarissimi, ue-  
strū Regē optimū, cuius nomen magnū, & sanctū sem-  
per apud uos fuit, apud quē totius uitæ integritatē sem-  
per reperistis, nūc in magno constitutū discrimine om-  
nibus uestris uiribus, fortunis, copiis nō iuuabitis, quē  
uos ipsi in regnū aliūde uocastis, tanq̄ optimū p̄cipē,  
nōne hunc saluū, & incolumen seruare ab hostis iniuriā  
fides, atq; ratio exigit. Præsertim cū hoc bellum ipse non  
mouerit, inductus gloriæ ampliorisue dicionis cupidi-  
tate, neq; uestras facultates, uiresq; ad irruptionē in alie-  
na faciendā petat, sed ad arcendū bellū, propulsandam  
hostiū uim, suasq; & pariter uestras fortūas a directio-  
ne ho-



ne hostili tuendas. Vobis ignotum prohi dolor non est, eius  
florētissimū Regnum Hungariæ per uim absq; ulla ratio/  
ne adeptū, fere ab hoste depopulatū esse, neq; eo contentus  
magnis uiribus in reliqua etiā hostiles excursions fecit, mo/  
liturq; uestrū Regem omni sua ditioe spoliare. Hoc uos ui/  
ri fortissimi cū uideatis patiemini, uos inquā, apud quos fœ/  
minæ aliqui animosiores fuerūt, quā alibi uiri, uos qui maio/  
rum uestrorum fama nō contenti, semper aliquod corū glo/  
riæ summa cū laude addere soliti estis. Hoc nūc tam fœdum  
dedecus in uos admittetis, gloriā uestrā multis in bellis par/  
tam, nūc tam fœde cōtaminabitis: ut Regi uestro, una cum  
reip; christiana in discrimine cōstituto, auxiliū uestrū implo/  
ranti defuisse uideamini. Quare cū alijs natiōibus gloriæ uer/  
tatur, suū cuiq; in hoc bello studiū, uobis omnibus uiribus  
nō incubuisse, summū dedecus est & extrema turpitudō, nō  
sine magno etiā uestro detrimēto & piculo, nam non mō re/  
gis uestri, sed etiā uicinorū sociorū, salus cū qua uestra cōiū/  
cta est in periculū uocat, neq; enim si salus uicinorū sociorū  
in discriminē uenit, uestram liberā arbitremini, cū illi ruere nō  
possint, quin in magna detrimēta uos trahant, aut eadē la/  
befactati ruina, uos quoq; cōcidatis. Quod si miseris & in fœ/  
licissimis Hungaris opē tulissetis, piculo isto nūc uos libera/  
ti, secure ageretis. Socj uiciniq; omnino cōseruādi sunt, si de/  
trimentū accipe nō uultis, qñquidē illorū calamitas a uobis  
seiuicta nō est. Romani rerū gerendarū pitissimi, maiora &  
grauiora bella gesserūt ob socios cōseruandos, q̃ ob se defen/  
dendos. Quos quidem in hoc eo magis imitari debetis, quod  
Hungari, & Australes, quibus nūc bellū inferē, non solum  
finitimi sunt, sed eundē habetis cū illis regem. Deinde cū ip/  
sis cognatiōe, & necessitudine quadā coniūcti estis, cum Au/  
stralibus quoq; uobis antiquū fœdus esse audio, ut alterius

domus deficiente mascula prole, quæ heres in principatum,  
succedat, ex altera sumat, est ergo uobis lætandū, quod au/  
xiliū socijs uestris coniunctissimis ferendo, eadē opa uos ip/  
sos defendetis, atq; bñficiū alijs facietis, gratiā inibitis, dum  
uobis recte cōsulitis, & bellū arcetis maximū & piculosissi/  
mū. Nā licet ad tēpus forsan quies ab armis uobis daretur,  
tantisper dū hostis in reliquijs Hūgarix depopulādis, subi/  
gendisq; occupatus est, ad postremū tñ, atq; adeo breui bel/  
lū illinc ad uos deuoluet. Hungarorū enim uires imbecillio  
res sunt, & magis afflictæ, fractæq; q̃ ut hostiū ualidissimos  
impetus diu sustinere queāt. His ergo deuictis, aut religiōis  
hostem uicinū finitimū, & a tergo habebitis, nunq̃ uobis se/  
curis ab illius excursionibus somnū capere licebit, aut quod  
magis uerendū est uos p̃ximos oppugnabit, quā diu enim  
flāma materiā inuenit, q̃ diu habet quod absumat, seuire nō  
cessat, atqui tūc uolentes nolētes id facere cogemini, grauio  
re detrimēto, maiore difficultate, quod nūc cū gloria, mino  
re negocio cauere facilius potestis, auxilia quæ nūc a uobis  
rogant socij eadē tunc uos ab alijs rogare cogemini. Atqui si  
uos iā frigetis, quorū ceruicibus bellū atrocissimū imminet,  
qui hostē a tergo habetis, & ab eo tantū nō circūsp̃ri estis,  
quoniā animo eos futuros esse creditis, q̃ lōgissime ab hostiū  
finibus suas diciōes habēt, si nos nunc animo uacuo deside  
tis ignaui, num illi uestrā uicem solliciti erūt, si uos uīs im/  
pēdētibus malis indormitis, num illi p̃ uobis uigilabunt: si  
uōs animos non tangit pp̃ria salus, num mouebit alienos.  
Ipsi quidē Garmani, tum etiā Hispani, quales se præstiterūt  
in obfessa Vienna, e uestris ducibus, militibusq; q̃ ibi stipē/  
dia fecerūt, nec minimū laudē retulerūt. Vos satis audiuisse  
credo, neq; nero nūc alio sunt anio ad uestrā salutē tuendā,  
si opus sit, q̃ tūc, & semp fuerūt, Præterea Impator summus,  
qui



qui alioq belli occasiōibus libens abstinuit, nūc ita anima/  
tus est, ut se ducē uobis præbere patus sit, bellūq; totū præ/  
sens administrare, ita optimus Princeps alioq pacificus glo/  
riosum ducit, & piū contra religiōis hostes p aris & focis di/  
micare, Germanis suā ad hoc opam benigne pollicentibus,  
nemo tū horū tanto ardore ad hoc bellū exarsit, quē uestra  
frigiditas nō restiguet, si uos in pprijs piculis secordes pra/  
stinatis, & cōsilijs querēdis tēpus eximitis, iam res ipsa tan/  
tū nō emissa uoce p se loquit, præsente manū postulās, ho/  
stis enim iā firmissimis copijs instructus tergo imminet, &  
forſan cuiusuis opiniōe citius, cū nemo eū se moturū puta/  
bit erūpet, quare nobis impatis adhuc, nihil prius agendum  
censeo, q̄ quæ belli usus exigit, cōparare primo quoq; tēpore,  
ut hosti ueniēti occurrere mature queamus, & flammā resti/  
guere in uicinis tectis, anteq nostris incensis damnū accipia/  
mus, nisi forſan expectandū putatis, donec in uestros fines  
hostilis exercitus impetū faciat: agri uascent, pecore abigā/  
tur, coloni, & agricolæ undiq; inferuitutē abripitant, senes,  
pueriq; miserū in modū passim p agros trucident, uillæ incē/  
dant, & mille alia incōmoda accipiat, quæ ijs cōtingere so/  
lent, in quorum agris hostes grassantur, cuius rei notissima  
exempla quotidie exhibent, tristissimum uero ad Viennā  
in Aultria æditū, qd' nobis documēto esse pōt, q̄tam calami/  
tate n accipiat, in quorū finibus bella gerunt, etiā si maxime  
uincāt, Quare uiri fortissimi: si hæc incōmoda uitare uultis,  
annitendū nobis est summis uiribus, ut anteq hostis pagra/  
ta Hūgaria uestros fines depopulet, uestra uirtute coactus  
pedem retrorsum referre cogat, atq; nisi ita effeceritis, nobis  
maximū detrimentū imminere, certissimū habere, nisi for/  
te putatis fururū, ut regnandi libidini, ne dicā euertēdi insa/  
nia modū faciat sub acta Hūgaria, & tum quietē agat, aut

A n ab armis

ab armis discedatis, qui alterā manū orienti, alteram occi/  
denti iniecit, cuius uincēdi auuiditatē nō expleuerunt tot ur/  
bes, tot puincia tot regna, ab eo deuicta depopulataq; &  
q̄q̄ animus meminisse horret luctuq; refugit, uosq; huius rei  
estis optimi testes, tñ nolo nostrā calamitatē praterire, quæ  
nullis metis uincēdi libidinē cōtineri, nos plane docet, est er/  
go ad manū notissimū quidē, sed tristissimū exemplū, quod  
totius Greciæ imperiū latissimū amplissimūq; ante oculos  
ponit, Hierosolymitanū ad hæc se pulchrū, & illa regio an/  
tiq̄ssimū Christi patrimoniū, in q̄ tot sunt uitæ a Christo in/  
terris actæ, fixa impressaq; uestigia & monumēta: Quid autē  
inde Rhodi, qd Croaciæ qd Hūgarix: qd demū oblectæ Viē  
næ mentionē faciā: tum eorū omnē quæ sine animi mei dolo  
re omniumq; uero Christianorū nō minore dedecore, q̄ de/  
trimēto referre nō possum, quæ oīa cū ipsius inexplēbile ani/  
mū nō expleuerit, an eū subacta Hūgaria saturū fore arbi/  
trabimur: quē ferūt dictū illud insolēs Alexandri magni ia/  
ctare solitū mundū nec duos soles, nec duos orbis monar/  
chas capere posse, se ergo solū suo arbitrio orbis imperiū admi/  
nistrare uelle. An nō id eū cogitare & animo destinasse satis  
palā facit: qui contēptis uiribus Christianorū, spretis princi/  
pibus, neglectis numinibus, cōtra ius & fas cōtractis uali/  
dissimis exercitibus, terra mariq; Christianæ reipub: bellū in/  
dixit. Est ergo uobis bellū ita necessariū ut negligi nō possit,  
ita magnū ut accurate & diligēter sit administrandum. Ne  
quæso expectetis, ut in uestre regiōis penitissima oppida pe/  
nitret, & ab diligēti hoste cōsumamini deuoreminiq; quēad/  
modū in parte factū uidetis, quod minime futurū est, si ho/  
stē nō paruipēditis, sed ueniēti occurritis, Hispani uice puer  
bñ illud usurpāt, hostē qui negligit, ipsius manibus perit, qd  
apud uos dici cōperi, Kto neprzite lehce uajy, ten odnē/  
ho za/



ho zahyne. Vos ergo hostis potentiā non paruipēdite, sed si  
uobis recte consultū uultis, uestra uirtute illius impetus in  
hibete. Vtērius p̄gredi non p̄mittite, n̄s cop̄is, qbus hostis  
uestros ingressus fines repellēdus esset, n̄sdē aduenientē ar/  
cete pecunijs quas erogare in stipēdia cōducticiorū militum  
uobis necesse erit, depopulatis agris, n̄sdē nūc re salua in ap/  
paratu bellico adornādo nō parcatis, pecunijs enim opus est  
bellagerēti cū sint neruibelli, sine qbus nihil geri queat, qđ  
d lucide satis græcorū docuit calamitas, q olim potētissimi  
opulētissimiq, cū pecunias in usum belli erogare grauarētur  
sed ita ut Antiphanes egregie dixisse fert, n̄s pro calculis ad  
numerandū uterent, totius Græcie imperiū amiserūt, opes  
enim ita se hnt, ut si cōmode cōsumant, p̄sint, si tenaciter as/  
seruent certissimā secū dñis perniciē afferāt. Ab eo tñ græco  
rū more, si uestrā cōsuetudinē uobis hominē alienigenā alle/  
gare licet, lōge abestis, ita ut hæc mea orōne uos nō sint do/  
cēda, neq; necesse est, ut uobis uiris prudentissimis, quo mō  
res sint gerēda, p̄ me sit cōsulēdū. Quare tēpus ē, ut uela cō/  
trahamus, eo addito, quod dicā si eo studio in hoc bellū in/  
cubueritis, quo debetis in eo quod gerit, p̄ salute uestra &  
religiōe Christiana ut certe uos spero facturos, multa sunt,  
qbus uobis certissimā uictoriā, atq; semel belli finem augu/  
ror. Primū, eximia uestra in re bellica uirtus, supioribus an/  
nis satis p̄specta, qua tantā gloriā nostra, maiorūq; nostro/  
rū memoria consecuti estis, ut ea nulli genti sitis inferiores.  
Deinde, quod qcquid hætenus hostis p̄spero successu uicit,  
id cunctatiōe ne dicā secordia ignauiaq; Christianorū occu/  
pauit, quociens uires ullas in uobis turcica manus iuenit, re/  
trocedere turpissime coacta ē. Testis est uobis Viēna, tellus  
Taurinū, a Machumete ipso, q totius Græciæ imperiū occu/  
patū tenebat, obsesta, a qua non sine graui suorū clade p̄fli/  
B iij gatus est.

gatus est. Cuius rei quoq; haud exigua laus ad uos pertinet, q;  
maiorē hostiū numerū eo praelio fudistis, q̄ in omnibus an-  
teactis bellis simul amisistis: Ad hæc etiā accedit, quod danu-  
bii littora hoc fatale habere uident, ut alterius dñi q̄ sui ius-  
gū pati nō debeāt, ita olim cupidissimis regnandi principi-  
bus meta fuere. Ultra q̄ progredi nō daret, ab Alexandri ma-  
gni ditione exēpta fuere, Dariū Hydaspis filiū, tū etiā Cyrū  
in magnā cōcēcerūt formidinē, Augusti Octaui legiones a-  
pud caireos p̄figarūt. Tiberiū in fugā uerterūt, Vespasiani  
Cæsaris nūerosum exercitus cōgressum plurimis praelijs su-  
stinuerūt, Longobardarū tyrannidē passa nō sunt. Hostem  
nūc quoq; Christiane religiōis immanissimū diuina ope p̄-  
figabūt, gloriosissimā uictoriā reportabūt: Præterea uero  
multo mihi maior spes est in inuictissimo Impatore, qui se  
una cū fratre ducē exercitus præbere patissimus est, qui ha-  
ctenus omnibus in bellis hostiū suorū uictor extitit, q̄ cum  
uere nūc id præstare uelit quod audit, hoc est Impatorē, eius  
ductu & auspicijs foelicē nobis huius belli euentū ominor,  
tum ab antiquissima multa, & uulgata de illo uaticinia, quæ  
quidē nec ut certa affirmare, nec ut falsa redarguere in anio  
est, nō paucorū tū fidē euentus cōprobauit, tum ob fatalem  
quandā eius in bellis gerēdis foelicitatem. Ad hæc nō semel  
paucis copijs magni exercitus inimici fusi aut in fugā uersi  
sunt, cuius rei exēpla omnibus nociora sunt, q̄ ut hic ea re-  
ferri necesse sit. Postremo illud spero: tanto nobis deū imor-  
tale fore magis p̄piciū & adiutorē, q̄to nostra belli causa iu-  
stior est, ille bellū ad aliena occupāda infert, uos pro liberis  
uoribusq; uestris, unius atq; ueri dei sacratissima religione  
depugnatis, q̄ suis nunq̄ deesse solet. Qui si pro nobis est, qui  
est dñs exercituū, dñs fortis & potēs in praelio, qs cōtra nos,  
ille nobis auxilia sua mittet ex alto, cœlestes legiones, quæ  
olim



olim nō semel inter Christianas exiguas copias ab hostibus  
 uisā, eos sua cælesti fulgore territos anteq̃ ad manus uentu/  
 tū ei fūga fugā uerterunt. Quare uos nec hostis potētia, nec  
 belli magnitudo pturbet, nihil tam insupabile est, quod for/  
 titudo indefatigata nō exuperet, fortes aut̃ uos reddat ipsa  
 ueritas, id est deus, p̃ qua arma sumitis. Certissimā ergo ui/  
 ctoriae sp̃e in eius benignitate collocatē cuius sacrosanctā re/  
 ligionē defenditis: Quin accingimini uestro gladio, accinget  
 deus suo sup̃ foemur suum potētissime, opibus nec uiribus  
 parcite p̃ eius religione, a quo oīa accepistis, quod si facitis,  
 maximū & grauissimū bellū conficitis, Regem uestrū eiusq;  
 diciōes ab iniuria truculētissimorū hostiū defendetis, uestros  
 fines tutos a quotidianis hostiū incursiōibus reddetis, secu/  
 ri ab omni belli piculīue metu uestris bōis quiete fruemini,  
 focīs uobis cōiūctissimis op̃e feretis, sumā ab ihs gratiā ini/  
 bitis, fortias uestras cū coniugū liberorū, & uestra uita inco/  
 lumes seruabitis, imperatorū atq; sui fratris summorū princi/  
 pum p̃petuam beneuolentiam conciliabitis, gloriam para/  
 bitis immortalem, quos e durissima seruitute, quā sub im/  
 manissimis hostibus nunc multi Christiani seruiunt, mul/  
 ti timent, in libertatem uindicaueritis, ihs eritis uice deorum  
 immortalium cum a uobis beneficium salutis & uitæ diui/  
 no similitum acceperint, quæ omnia & si tanta sunt, ut ma/  
 iora homini in uita contingere nō possint, attamen eo quod  
 eadem opera dum hæc paratis religionem etiam Christia/  
 nam, ab hoste Christi qui illam funditus excindere iam ani/  
 mo concepit tuebimini, mercedem a Deo opti max: perpe/  
 tuo duraturam accipietis, eritq; uestre perbreuis operæ  
 merces summa & in hac uita, & in futura immortalis gloria  
 & felicitas. Quoniam uero tanti uestra omnium interest hoc  
 aut illo modo statuere, præcor uestra causa deum immor/  
 talē

talem ut quod ipse maxime e re uestra, omniumq; Christia-  
norum esse nouerit, id uobis in praesentiarum, quod  
felix faustumq; sit, decernere concedat. ;

Impræssum Cracouiæ per Mathiam Schærffer  
berg. Anno domini Millesimo quingentesi-  
mo uigesimo secundo. ;





